


土岐文庫
文庫17
W98
5



15

20

25

文庫 17
W98
5

昭和六十年二月一日
土岐市吉原町
贈

010185193875

明詩別裁集卷九

長洲 沈德潛 稿士 同輯

周 準 欽 菜

張佳胤 佳胤字肖甫銅梁人嘉靖庚戌進士官至兵部尚書加太子太保贈少保謚襄敏少保詩時露警拔陳卧子重其莊雅稱為李于野

烏蠻灘

烏蠻灘前石齒齒盤渦轉地驚濤起險絕



明詩別裁集卷九

空值艷頰堆。俗客帆檣愁欲死。萬里江源
異域來。右出夜郎左交趾。青天赤日毒霧
合。跼跼飛鳶墮深水。我本西梁道上人。瘴
鄉奔逐胡為爾。停舟一奠伏波祠。丹荔黃
蕉前致詞。英雄心事無今古。神物風雲各
有時。銅柱功名倘難就。濯車欵段任吾之。

宿黃牛峽

春到黃牛峽。江辭白帝城。楚雲高不落。巴

水去無聲絕。塞書難得孤舟月。更明櫂歌
聽自短。幾處夜猿鳴。

赴雁門聞虜退去呈楊中丞

驅車九月度飛狐。萬里霜淒塞草枯。白馬
偶來逢使者。黃沙何處走單于。胡雲夜動
雙龍匣。漢日秋懸八陣圖。一自雁門留李
牧。邊關烽火至今無。

登函關城樓

月時

樓上春雲雉堞齊，秦川芳草自萋萋。
黃昏雨後河流急，青入窗中華岳低。
客久獨憑三尺劍，時清何用一丸泥。
登高遠眺鄉心起，關樹重遮萬嶺西。

梁有譽

有譽字公實，順德人。嘉靖庚戌進士官刑吏主事。

姑蘇懷古

看山幾日到吳中，遊客登臨感慨同。
金虎跡荒靈氣滅，不犀軍散霸圖空。
春歸茂苑

烏啼月落橫塘蝶，怨風誰識倦游心。
獨苦扁舟長憶五湖東。

燕京感懷

塵塞戈鋌血未乾，龍庭烽火報長安。
擬擒頡利先開幕，欲拜嫫姚更築壇。
青海月明胡馬動，黃榆風急皂鵞寒。
材官羽騎多如雨，夜夜旄頭倚劍看。

吳國倫

國倫字明卿，興國州人。嘉靖庚戌進士官至河南參政。

明詩別裁集

三

送行父少參赴關內

咸陽天下險。洛邑天下中。潼關睥睨周。西
東君自三川。歷三輔。分陝經營王命同。登
車恍慨千人雄。矯若八翼凌蒼穹。左馮翊
右扶風。漢關秦畿指顧通。為將匣裏雙龍
劍。擲作天邊二華峰。

得元乘書

已道還江縣。猶然滯海門。別來新鬼哭。書

至。故人存。萬死懸兵力。孤忠藉主恩。豈無
排難意。畏路不堪論。善偷
注意

高州雜詠

粵南天欲盡。風氣迥難持。一日更裘葛。三
家雜漢夷。鬼符書辟瘴。蠻鼓奏登陴。遙夜
西歸夢。惟應海月知。風士詩須此奇警
之筆方寫得生動

鄱陽湖

欲向匡廬卧白雲。宮亭水色畫氤氳。千山

日射魚龍窟。萬里霜寒鴈鷺群。浪擁帆檣天際下。星蟠吳楚鏡中分。東南歲暮仍鼙鼓。莫遣孤舟逐客聞。

送姜太史節之使楚王

天子分桐葉。詞臣下柏梁。共憐星是使。况乃玉為堂。江漢環宗國。風雲護帝鄉。居人思過沛。太史復浮湘。地險東南勝。藩盟帶礪長。晴山開絳節。高浪出牙樯。楊柳停旌

艷椒蘭。設醴芳樓臺。招鶴馭環珮。憶鶴行大博。中原路。雙鋒北斗傍。緘書如有意。歸雁自衡陽。

寄遠曲

章臺楊柳綠如雲。憶折南枝早贈君。一夜東風人萬里。可憐飛絮已紛紛。

徐中行 中行字子與長興人嘉靖庚戌進士官至江西左布政使

暮發滁陽

荒城一騎出落日萬峰西
澗水流人影松陰散馬蹄
懸崖青欲滴芳草綠堪迷
洵美非吾土翻然憶故溪

盤江驛阻雨寄門人汪維

天連益部長多雨路出盤江
况毒滯春早蟄龍蒸赤水
夜深山鬼嘯青林已憐道遠
妻孥累更愁年衰瘴癘侵
吹笛表生應好在懷三堪和
武溪吟結用爰寄生事恰與門人關合

宗

臣

臣字子相與他人嘉靖癸丑進士官至福建提學副使

登雲門諸山

山頭月白雲萸英千峰倒插
千江明手把芙蓉步石壁蒼翠
亂射猿鳥驚誰其雲外吹紫笙
欲來不來空復情天風吹我佩蕭
颯恍疑身在崑崙行

雨夜沈二丈至

榻有何人下君能此夜過
寒蟬吳客賦衰

明詩別裁集

卷九

六

鳳楚人歌雨氣干。江入秋聲萬木多。明朝
寒浦望。搖落有漁蓑。

長庚純一舜隆既別憶之

一別不自意。茫然空復愁。孤舟仍盜賊。多
病已春秋。明月半江水。故人何處樓。風塵
雙淚眼。為我寄滄洲。

張九一

九一字助甫新蔡人嘉靖癸丑進士授黃梅知縣歷官右

無事可憂

寄見甫弟

歷盡巴山白髮新。西風何處不傷神。馬曹
踏蹬官難達。鳥道崎嶇老更貧。九派長江
春後鴈。一年芳草夢中人。相思况是無消
息。徙倚天涯涕淚頻。

王世懋

世懋字敬美太倉州人元美弟嘉靖己未進士官至太常寺少卿

送李太史元甫冊封蜀藩

玉檢金泥出大庭。雙旌萬里去冥冥。漢宮

月詩別

朝。浥。仙。人。露。益。部。宵。占。使。者。星。巫。峽。雲。中。
流。濯。錦。蛾。眉。天。半。落。空。青。先。驅。恥。作。臨。邛。
容。索。筆。重。題。銀。閣。銘。

橫塘春泛

吳。姬。小。館。碧。紗。窗。十。里。飛。花。點。玉。釵。蠟。屐。
去。尋。芳。草。路。青。絲。留。醉。木。蘭。艫。山。連。暮。靄。
迷。前。浦。雲。擁。春。流。入。遠。江。棹。裏。長。干。聽。一。
曲。煙。波。起。處。白。鷗。雙。

潘

綿綿字仲文
歙縣人

送友人北遊

樽。酒。慰。行。軒。交。深。敢。贈。言。經。過。鄭。莊。驛。好。
問。孟。嘗。門。一。諾。休。輕。許。千。金。未。是。恩。年。來。
長。送。客。此。意。不。曾。論。

張邦伊

邦伊字孺覺鄞縣人以父
蔭仕至陝西苑馬寺少卿

沈嘉則有三楚之遊席上得分空
春城斗酒惜離群把袂高歌到夕曛地入

衡陽三楚盡天迴襄漢九江分停舟夜聽
湘靈瑟倚闌高舉鄂渚雲知爾尚平家累
淺逢人勝事好相聞

戚繼光 繼光字元敬登州人世襲衛

台州平海衛等處冠平以都督同知
召理戎政出為薊鎮總兵進左都督
加少保

盤山絕頂

霜角一聲草木哀雲頭對起石門開朔風

虜酒不成醉落葉歸鴉無數來但使玄戈
銷殺氣未妨白髮老邊木勒名峰上吾誰
與故李將軍舞劔臺無意為詩白足生趣
若郭定襄立於詩壇
中位置之

歐大任 大任字楨伯順德人以歲貢
選江都訓導人為國子博士
兼南京戶部郎中

泊樅陽眺覽遂憶漢武之游

行役屈皖城放舟下樅陽原濕鬱膺膺江

波浩湯湯憶在元封中。君主狩朱方。大江
深且廣。及茲一葦航。鸞孤射蛟臺。皇武何
可當。宸游事既往。六合無回光。不見樓船
還。空餘蕙蘭芳。追昔有虞氏。恭已垂衣裳。
聖人重無爲。君子貴豫防。覽古動懷惻。延
佇增徬徨。

除夕九江官舍

錢歲尋陽館。羈懷強笑歡。燭銷深夜酒。美

簇異鄉盤。淚每思親隨。書頻寄弟看。家

計程遠。應已夢長安。

一結憶及家人。子文於
家人意中。念已之夢。

長安曲折仕
復善學少陵

九月十五夜月

瑤草三秋色。金風一夕寒。書緣多難絕。月
在異鄉看。淒斷驚霜角。遲迴望露盤。刀頭
今未定。誰最憶長安。

登宣武門樓

明詩別裁集卷九

百二山河控上游，鬱蔥佳氣滿皇州。風驅
大漠浮雲出，天轉滌池落日流。雙闕金臺
連北極，萬家紅樹動高秋。茱萸黃菊俱堪
佩，獨上城南百尺樓。

張元凱

元凱字左虞，吳縣人，蘇州衛指揮。

楓橋與送者別

楓橋秋水綠無涯，楓葉滿樹紅於花。萬里
之行纔十里，關閣城頭尚堪遊。

淚濕衣，離心已逐片帆飛。酒酣忘却身為
客，意欲元同送者歸。英雄兒女一齊下，失

陳

鶴

鶴字鳴野，山陰人。世襲百戶，五言如近海潮通郡，連山

瘴入樓，孤月常隨棹，寒潮自到門，頗近自然。

夜坐寄朱仲開張甌江

坐久北風起，江聲帶遠沙。客愁初到鬢，鄉
夢不離家。林靜無殘葉，燈寒有落花。懷君
滯羈旅，雲海各天涯。

卧病雙溪山館見月寄張有功

溪邊桑柘映雙流病裏蕭條賦四愁坐雨
幾宵方見月別君一日已成秋山深倦鶴
猶依樹風定飛螢自上樓託跡文園須共
遣莫因鄉國嘆羈留

徐涓涓字文長
山陰人

懷陳將軍同甫

飛將遠從戎翩翩氣自雄挂牛千嶂外

象百靈中銅柱華封畫昆池漢鑿空雁飛

真不到何處寄秋風

沈明臣明臣字嘉
則鄞縣人

顧晉卿席上聞其弟益卿憲副南

越之捷

廿年豺虎劇縱橫百粵遙傳一日平再觀
樓船橫海出更標銅柱伏波名天青馬嶂
春錦甲雨過龍川夜洗兵誰道虎頭非將

種請纓從古是書生

凱歌

銜枚夜度五千兵，密領軍符號令明。
狹巷短兵相接處，殺人如草不聞聲。
嘉則與徐文長同在
胡少保宗憲幕少保嘗將士於爛柯山
酒酣樂作嘉則於席上賦凱歌十章吟至
其甚短兵二語少保起將其鬚曰何
物沈郎雄快乃爾命工刻石置山工

唐詩無錫人

橫江曲

家住橫江口，年年傷暮春。
落花隨水去，不為待歸人。

黃姬水

姬水字淳父長洲縣學生

與友人共飲

青郊歇馬拂吳鉤，萍聚天涯共白頭。
久客新豐惟命酒，長譚故國一登樓。
林殘半壑飛寒雨，潮落空江急暮流。
世路風煙悲去住，莫辭此日醉筵侯。

月詩別裁集

卷七

七

袁景休

景休字孟逸吳縣人隱居卜

送沈嘉則遊中原兼訪戚將軍

中原此去欲如何把酒聞君慷慨歌
遶上霜寒逢白雁馬前木落見黃河
五陵煙雨秋難盡三輔風雲氣尚多
記得少年曾學劍壯心猶自憶廉頗

松元夫

元夫字長卿歸安人

刈稻夜歸

西莊刈稻夜半歸明月皎皎當柴扉
籬聲隔岸人語近斗柄插江霜氣微
木葉蕭蕭覆林屋蘆花茫茫藏釣磯
兒童村南酒家去野夫獨立風吹衣

立秋日盧溝送新鄭少師相公

單車去國路悠悠綠樹鳴蟬又早秋
燕市傷心供帳薄鳳城回首暮雲浮
徒聞後騎宣乘傳不見群公疏請留
三載布衣門下

客送君垂淚過滬羅海

此江陵司禮監馮保逐新鄭相公事也無

位之士為之垂淚足徵公前在人

居

節字士貞吳縣人

晚坐

鴉帶夕陽盡柴門暮色初山寒漸風露人
語半樵漁落葉聞砧急蘆花映月疎年年
楚江上不見雁將書

孫良器良器字貞甫休寧人

過姑蘇有感

東吳城外畫烽煙百姓流移半在船為問

秋風舊來雁稻梁今有幾家田此詩應是

無道所作此江燕初歸不見人其聲又蕭颯矣

王叔承叔承字承父吳江人

風雨泛太湖宿松陵長橋漫興

群飛鷗鷺去不極予亦揚帆赴杳冥灑鬢

湖風寒氣白打船春雨浪花青水邊萬樹

來江縣雲裏雙峰出洞庭七十二橋燈火
亂野煙沽酒宿漁汀

王穉登

穉登字百穀長洲人國子監生

塘栖道中

水澗雨冥冥帆飛去不停人聲兩涯斷
魚市一江腥雲已辭吳白山初到越青侯
芭數行淚于里弔五經

聞警

交河十月水潏潏虜騎秋高過黑山六郡
平時元近塞一夫誰箇可當閑雲中太守
須重起日逐賢王未肯還空抱平胡二三
策書生無計謁龍顏

袁相國故居訪李孝甫太僕

魚文匕首不離身馬踏長安市裏塵重過
揚家舊亭子深悲侯氏老門人朱欄易主
花無色青眼逢君酒可親同是中郎琴畔

容一般憔悴各沾巾

汪時元時元字惟一休寧人

九日舟中

秋風葉正飛江上逢重九人世幾登高寂

寞黃花酒只此已足

蔡文範文範字伯華新昌人隆慶戊辰進士歷官廣東布政司參議

隆慶以後詩教漸衰故所收從畧

自瀛德至東昌道中雜詩

問道張秋決先朝慮獨深名山標戍邑秦
使失辛壬地控支祈鎖天寒象罔沉誰知
神禹蹟疎鑿本無心

遊南岳

縹緲仙臺紫氣浮煙籠玉座儼垂旒地包
荆楚標南紀江合沅湘向北流牲帛千秋
周祀典衣冠五月舜諸侯塵緣未斷慚仙
骨金簡雲書何處求

黃洪憲 洪憲字懋忠吉瑞興人隆慶辛未進士改庶吉士官至少詹事掌翰
林院事

山海關

長城古堞俯滄瀛百二河山擁上京銀海
仙槎求漢使玉關秋草成秦兵星臨尾部
雙龍合月照平沙萬馬明聞道遼陽飛羽
急書生急欲請長纓

李三才字道夫臨潼人萬歷甲戌進士官至戶部尚書

送許郎中轉餉密諸鎮

重鎮經行遠清秋離別難和戎兼漢策轉
餉命秦官朔雁驚風下邊雲入夜寒都亭
尊酒罷落葉滿征鞍

朱期至 期至字子得蕪水人萬歷甲戌進士官懷慶知府

送蔣太守之瓊州

五羊南去客心孤銅柱遙分使者符為語
越裳諸屬國清時不用貢珊瑚 從張謂戲

明詩別裁集卷八

貢物詩翻出
能尊國體

馮

琦琦字用，臨朐人，萬曆丁丑進士官至吏部侍郎，贈禮部尚書諡文節

題三娘子畫象

紅妝一隊陰山下，亂點駝酥醉朔野。塞外

爭傳娘子軍，邊頭不牧烏孫馬。此為忠順夫人作

朱國祚國祚字非隆，秀水人，萬曆癸未賜進士第一官至南京禮部尚書入東閣後加少傅贈太傅諡文懿

少傅贈太傅諡文懿

經寧庶人廢苑

吳淠何知反劉安，但自尊魚鹽時不利。雞

犬爾焉存，得已儒臣獲軍猶鎖國屯白頭

遺老在尚說獻王孫

西山謁景皇帝陵

吳國淠斷白楊風，黃瓦今看天壽同。地狽

專馳通關使，南還備賞奪門功。若教守土

盟城下，安得蒙塵返域中。多少諫臣司耳

月寺別成美

昌言翻賴校官忠追復景皇帝諡號由荆門州訓導高岳上

疏言之

恭謁慶陵作

講幄頻起鶴籞深重來就日慘棠陰十年始受東朝冊一月真傾下土心視權盡收中使節披沙罷採北人金最愁日曆書難既罷夫烏號涕不禁

徐學聚學聚字敬輿蘭谿人萬曆癸未進士官至右僉都御史

撫福

夜宿日觀峰禪房

岱宗面面削芙蓉時有卿雲出漢封杖屨中天千象緯風煙下界起蛟龍河流舊繞滄溟遠凍影斜懸紫翠重夜半石牀天籟發夢中錯認景陽鐘

湯顯祖顯祖字義仍臨川人萬曆癸未進士官南京禮部主事諡

典史量移知遂昌縣

送別劉大甫

欲別悲歌雜又鳴
白頭無計與書生
恩讐未盡心難死
獨向田橫島上行

徐炯炯字惟和閩縣人萬曆戊子舉人惟和近體宗法唐人在詩道元雜時過之如沙磧中得簡珠也七言絕尤能作情至語在李庶子

鄭和官之問

銅雀妓

銅臺遺令在玉座
主恩非舊曲流哀
管餘

香散舞衣總唯空寂
冥羅綺失光輝
可印

西陵望君玉歸不疑

陳佾夫歸自崖州談粵中山水因

懷舊遊

朱崖彈劍動經年
醉向黎姬酒肆眠
笑語自存豪士氣
衣裳猶帶島夷煙
波羅老去甘如蜜
妻妾開時小似錢
十載遊蹤俱是夢
不堪重聽舊山川

送人遊吳楚

津亭煙柳綠垂絲。萬里關山匹馬遲。去國
正當秋盡後。登樓多在日斜時。楚江草長
悲鸚鵡。吳苑花深走鹿麋。話別何須共惆
悵。秋風搖落是歸期。

旅次石頭岸

石頭城下水微茫。回首鄉關驛路長。瓜步
煙波連斷靄。秦淮雲樹隔斜陽。秋高落木

見村舍。夜靜寒潮到女牆。客裏愁心已如
此一聞南雁更淒涼。

金陵故宮

先朝遺殿閉塵埃。零落空勞過客哀。五夜
銅壺乾罷滴。六宮金鎖澀難開。翠華逝後
全無跡。羅綺焚餘自有灰。弓劍盡埋煙雨
冷。板房一半上莓苔。

同在灰燼中也。史氏致身錄之。誣神廟
時人俱能言之。得錢牧齋諸人之辨甚明。

送李太守擢憲滇南

昆明池水靜無波。擁傳新從楚道過。開府
定能寬漢法。采詩自可入蠻歌。趁墟滇客
龍名市。納款蠻王象渡河。他日勒功留片
碣。點蒼如黛石嵯峨。

訪梅禹金秦淮客舍

舟過長干問客星。風流不用歎飄零。一秋
桃葉居淮水。時同小艇十月梅花夢敬亭。遊遍

南朝故宮地。翻殘西竺淨名經。贈君欲折
藏鴉柳。滿目長堤何處青。

武夷溪口送惟起弟

青山遊侶散紛紛。况復臨歧遠送君。兩地
鴈鴻難顧影。一時鸞鶴總離羣。人從杜若
洲邊去。路在桃花洞口分。明發登高各惆
悵。鵝溪斜日幔亭雲。

丹陽遇陳十八

丹陽渡口遇同鄉欲語忽忽怨夕陽君返
江南我江北雲山千疊斷人腸。

長門怨

芳草何時輦路通長門花鳥自春風祗緣
薄命難承寵豈是相如賦未工

郵亭殘花

征途微雨動春寒片片飛花馬上殘試問
亭前來往客幾人花在故園有詞絕句七體

意不必深而婉轉隨生覺
一鐘至情餘於意言之外

酒舌逢李大

偶向新豐市裏過故人尊酒共悲歌十年
別淚知多少不道相逢淚更多

芋江驛樓送張四之白下

春風吹柳萬條斜極目金陵隔暮霞不必
相思當後夜片帆開處即天涯

禦兒舟中別郎公

月下談深睡已遲
滿身涼露夜何其
雞聲未斷鐘吉起
又是江頭欲別時

寄弟

春風送客翻愁客
客路逢春不當春
寄語鶯聲休便老
天涯猶有未歸人

陶望齡

望齡字周望會稽人萬曆己丑進士第三官至國子祭

酒卒誌文簡

沛縣過高帝廟

路經舊沛山川古
龍起中原戰鬪多
一代雄圖開赤帝
千秋遺廟傍黃河
雲歸尚識真人氣
風起猶傳猛士歌
魂魄來遊長此地
漢宮秋色近如何

高攀龍

攀龍字雲從無錫人萬曆己丑進士歷官至左都御史生

許進閣制籍被逮赴水死贈太子少保兵部尚書謚忠憲○忠憲詩無心學陶天趣自會羽翼名教入不以繫壻一派為高益信定山甘泉非風雅之宗也

水居

薄暮登樓四望遠。曠時雨既降。農人乍休。
乳燕來止。儵魚出遊。萬族有樂。吾心何憂。
中有元化
偶然得之

夏日閑居

長夏此靜坐。終日無一言。問君何所為。無
事心自閑。細雨溟舟歸。兒童喧樹間。北風
忽南來。落日在遠山。顧此有好懷。酌酒遂

陶然。池中鷗飛去。兩兩復來還。

湖上閑居季思子往適至

正爾山水間。念我煙霞友。春風吹微波。日
暮倚楊柳。我友惠然至。童僕喜奔走。相別
歎幾時。相逢處非久。所歡得晤言。欲言仍
無有。默默各自悟。一室閒相偶。夜深不能
寐。明月在東牖。

夜步

幽人夜未眠。月出每孤往。繁林亂螢照。林屋人語響。宿鳥時一鳴。草徑露微上。欣然意有會。誰與共心賞。

張光靜坐

偶來山中坐。兀兀浹旬餘。淡然心無事。宛若生民初。流泉當几席。泉山立庭除。高樹依巖秀。修篁夾路疎。所至得心賞。終日忻忻如。流光易蹉跎。此日良不虛。寄言藉澗者。速駕深山居。

傅新德

新德字元明。定襄人。萬曆五年進士官至國子祭酒。贈禮部右侍郎。

謚文恪

送郭青字參藩巴蜀

殊方幾載歎離羣。忽漫相逢又送君。萬里江湖龍劍合。一尊風雨薊門分。峨眉迴出天連雪。棧閣平臨馬度雲。蜀相威名應不負。他時消息好相聞。

區大相 大相字用瑞廣南高明人萬曆己丑進士官翰林檢討歷

贊善 中乞

家人初至京置酒亭中對雪作

庭霰今朝集家筵此日開不知燕地雪猶

訝故園梅玉袖承花出珠簾卷絮迴瑤華

雖可贈留賞上春來 中乞海南人海南無雪故頌聯特妙頸聯

亦秀艷香霧雲髮同一筆墨

送何儀部稚孝謫桂林

長沙非不遠南去更蕭森謫宦楚山盡

行湘水深鄉書同雁少官舍共猿吟今夕

懷人夢隨君到桂林

南行感懷

聞道貂璫輩由來為掃除先朝煩鎮守重

任與方輿貢采山川渴徵輸藉邑虛明時

皇社訓宮庶意何如 時曠稅之使紛紜因出至寺人職掃除者

列坐督撫之上小民窮瘁幾於賦若華歌長楚矣詩中念祖訓正以慨時事之非也

八羅滂水

井邑新安集問閭雜漢猛火耕春伐木山
獵夜歸樵潮響蠶溪合林光瘴峒滑直須
勤撫字勿使因征徭

鄭明選

明選字子升侯官人萬曆己丑進士官南京刑科給事中

感懷

黃虞世已遠大道漸陵遲十室八九空奸
邪乃猖披法今日以繁盜賊日以滋官廳

相背國道路不拾遺君子正其本禮義將
自治莫以鞭與繯能使疲馬馳莫以刑與
戮能使風俗移長吏苟有闕三尺將安施

恭聞冊立皇太子喜而賦詩

少海初流潤前星已照空九重原獨斷四
皓本無功鶴馭丹霄上龍樓紫禁東君王
有金鑑早晚賜春容神廟為鄭妃故屢欲
建立福王迫於公議
而止作者歸本九重獨斷
立言之體故應溫厚也

月詩川

卷九

九

十五夜寫懷

明月孤懸夜。空齋獨坐人。地平連海岳。天
濶散星辰。祿太悲親沒。柴門憶弟貧。吾生
無限事。况感百年身。

歸子慕

子慕字季思。崑山人。萬曆辛卯舉人。崇禎時。追贈翰林待詔。待詔許雅。淡清真。尊。飄。童。冠。無非樂趣。生平與高忠憲公。敦道義。交詩品亦略相似。所云同心之言也。

對客

默然對客坐。竟坐無一語。亦欲通殷勤。尋
思了無取。好言不關情。諒非君所與。坦懷
兩相忘。何害我與汝。

城北初夏

三見草木榮。栖栖猶未旋。偶與城市遠。因
耽此地偏。獨館背清池。一無俗事牽。晨興
課書罷。日午杜声喧。出門見新秧。微綠映
遠田。久晴初得雨。稚子亦欣然。田父說歲

占。今茲定有年。物情既如此。子。樂復何言。
淡然無意太
美不酒之遺

雜詩

印出群動作。智計千萬端。用此徒為勞。不
用殊未安。所繫在有身。坐令思慮殫。所以
古賢達。與物同一觀。俯仰放懷抱。宇宙何
其寬。

館城北

妻孥昔居城。我淹江上廬。妻孥來江上。我
去城北居。城北何所事。二生喜從余。既愛
童子真。且得人事疎。長夏北窓竹。風吹几
案書。坐看牆外快樹中。去徐徐。徐中情苟無
繫。觸物皆有餘。今茲對佳節。正值秋風初。
香稻感我情。歸食空江魚。小女解思父。一
見當何如。

壬寅正月西村築室成

經始逼歲除。春肇室云老。結構稱心為。彌
拙亦彌好。村樹既羅列。溪流亦澗抱。北牖
移修篁。南圃藝藥草。室中圖與書。閒暇可
探討。農人理耨鋤。念此歲供早。顧我長負
疴。不耕慚亦飽。

移居

冉冉歲云暮。寒風動林於。言辭東村宅。去
適西村廬。豈無舊與戀。歡與吾仲俱。西村

况不遠。相去一里餘。回瞻竹樹間。炊煙出
前廚。吾病四十衰。厭厭日不如。憂患易反
本。戚戚念友于。安得我叔氏。亦復來此居。
遙望城中山。引領空嗟吁。

丙寅六月過吳子往菽秋菴

蕭瑟湖上廬。六月如清秋。涼雨過柴門。綠
楊風颺颺。水濱一犇子。洋洋何所求。終日
無一魚。持竿釣不休。問之向我笑。使我心

忘憂。諸詠有物我同得之趣。累月到天。心風來水面。終是有心作理語。

歸江上

去年冬盡歸。室家尚完好。兒女曝檐隈。牆頭日杲杲。今年冬盡歸。離憂不可道。巾饋閱無人。虛堂塵不掃。一兒依外家。兩女傍兄嫂。奚獨天運乖。謀生亦草草。人世骨肉緣。尚爾不可保。而况一切營。何足櫻懷抱。久矣吾行迷。回車苦不早。

歲暮別諸生

惻惻不可道。臨歧但依依。常恐語言多。貌勝中情微。感茲寒色厲。北風吹爾衣。歲暮家室情。各各念爾歸。群居雖云樂。人情難。遠所患。不同心。不患相見稀。尼父重久要。如醴久已滌。鼎哉儀先民。雅道庶可幾。人人胸臆中。語便是至情。視華子潛詩。只學得陶公形象。所謂得其皮骨者也。

明詩別裁集卷九終

明詩別裁集卷十

沈德潛確士

長洲

周準欽萊同輯

謝肇淛

肇淛字在杭長樂人萬曆壬辰進士官至廣西左布政使

秋日邀龍君御同鍾伯敬林茂之

賦詩君御時赴滄中

營道植高操大音謝俗機誰云京洛塵而
能緇素衣前蹤既云邈後會安可希斗酒

自斟酌。蟹螯秋正肥。南陸有殘暑。西山無
留暉。不知松際月。已挂花間扉。雜坐忘聲
折。緒談聞芬菲。君今赴河滄。戎馬生郊畿。
白面誰見賞。青雲願多違。舊歡意未泮。新
離淚仍揮。余亦倦遊者。因之歌式微。

送徐興公還家

楓落空江生凍煙。西風羸馬不勝鞭。冰消
浙水知家近。春到閩山在客先。斜日崖邊

看故國孤帆。雪裏過殘年。憐予久負寒
約。魂夢從君碧海天。

春怨

長信多春草。愁中次第生。君王行不到。漸
與玉階平。

秋怨

明月憐團扇。西風怯綺羅。低垂雲母帳。不
忍見銀河。

袁宏道 宏道字無學公安人萬曆壬辰進士官吏部郎中

兄弟意矯王李之弊而入于俳諧又一變而之竟陵詩道遂不復振人但知竟陵之衰而不知公安一孤先之也

感事

湘山晴色遠微盡日江邊取醉歸不見
兩關傳露布尚聞三殿未垂衣邊防自古
無中下期論於今有是非日暮平沙秋草
亂一雙白鳥避人飛

曹學佺 字能始侯官人萬曆己未進士歷官參議廣西天啟中以

闖禍除名為民崇禎初起復廣西疏辭不赴家居二十餘年殉節死

夜泊彭山江口

錦城平日暖旅泊始知寒犍蜀中分地岷
峨相向看岡連三女家水疾二即灘
風吹急蕭蕭漢將壇 彭彭遇害此地

泰昌皇帝輓歌

寵馭升遐即封章滿御牀施行猶令旨德

意自先皇沛若江湖決。俄然石火光更聞。
哀詔到能不淚沾裳。龍馭升遐謂神宗更聞哀詔謂光宗
勸進箋三上。騰歡遍九垓。逐臣皆召用。中使盡收回。貨賤昭先儉。心勞集相才。大工須計日。久矣柏梁災。
罷稅不停徵。邊庭歲用增。金錢溢輸輓。士馬飽飛騰。北闕聞天語。東隅望日升。那堪遽辭世。倉卒治山陵。

九轉神丹秘。三旬帝業終。春秋書法謹。中外揣摩窮。兩泣將填巷。攀髯或墮弓。由來戮方士。豈但為無功。

過木壩

指點十三橋。迎船半柳條。夕陽潮正滿。春草岸俱遙。琢研開山市。為園灌藥苗。賣錫時節近。處處有吹簫。琢研種花風土自昔寫來光景如畫

送陳民部出守思州

言辭紛署重。淒淒道路時。聞征馬嘶。日照
夢懸鄉樹外。夜即吟向郡樓西。竹雞群裏
登岷嶺。銅鼓聲中出朗溪。我欲白門攀柳
送相思。此夜有烏啼。

八月朔日王元直招集南樓送陳
汝翔之東粵王玉生之清漳沈從
先還姑蘓徐與公之建溪陳維尋
之聊城蔣之才之廣陵予返白下

西風蕭瑟動離顏。一樹衰楊不剩攀。秋老
幾人猶白社。月明無主自青山。征途南北
高樓外。客淚縱橫杯酒間。此別紛紛難聚
首。天涯那許夢魂閒。

蔡毅中

毅中字宏甫光山人萬曆辛丑進士官至禮部右侍郎

秋興

木落江空天氣清。西風蕭颯雁南征。浮雲
暗逐年華變。歧路虛憐短髻生。千里關河

懸客夢。萬家砧杵動秋聲。崇蘭芳芷依然
在。何處江潭弔屈平。

公

龜龜字孝與蒙陰人萬曆辛丑
進士官至禮部右侍郎謚文介

詠古

古人獲我心。善達窮通理。安危慮所居。屈
伸貴自己。已貴可復賤。中立常不倚。衰至
易生驕。腊毒恒在美。薛公僅遺榮。疏傳庶
知止。寒廊晞冥鴻。矧繳安可擬。

穆陵關

昔日齊侯履南疆。盡此封諸山。沂作鎮。五
岳為宗。霸國猶餘業。重關識舊蹤。故園
相去近。回首海雲重。

諸將

上谷漁陽拱帝京。相連河外受降城。一從
塞馬來南牧。遂使王師罷北征。絕徼尚傳
青海箭。中原新動綠林兵。主憂正值宵衣

日誰向天邊答太平。

李流芳

流芳字長蘅嘉定人萬曆丙午舉人嘉定四君中以檀園為上雖漸染習氣而風骨自高不能掩其真性靈也

過臯亭龍居灣宿永慶禪院同一

濂澄心恒可諸上人步月

歸裝出西湖聞道向黃鶴屢憩桐塢期偶
逐龍居諾輕舟凌晨風遙山滿晴郭丹林
尚可數寒條紛無託披松指微徑聽水捫

暗窳新構爭遠勢平臺攬播落露餘山容
淺天清海氣凜暫歇塵勞心始知寂滅樂
每多方外遊見僧即如故燈明一龕下夜
長愜深曉不知山外上千林已流素出門
尋舊愛愛踏松影路氣和空宇澄寒魄如
春露幽泉洗我心微鐘杳然度讀第二章如見東坡
永天寺夜遊光景

白門七夕時將入燕

中言身老集卷一
七
舊日維舟處。懸情獨柳條。秋風又京國。客
思正江潮。長路有時到。歡期難再邀。徘徊
望牛女。愁絕向中宵。

黃河夜泊

明月黃河夜。寒沙似戰場。奔流駘地響。平
野到天荒。吳會書難達。燕臺路正長。男兒
久為客。不辨是他鄉。

唐時升

時升字叔
達嘉定人

南翔里有八老人為社長者年九
十四少者年八十一居止不一二
里耄耄相望杯酒談笑日相娛樂
誠太平盛事詩以紀之

白鶴村頭春日曉。香霧濛濛百花好。蒼顏
素髮八老人。花前置酒相傾倒。笑說鄰翁
學語時。追談邑子知名早。不知主客更勸
酬。爭引曾玄互提抱。今年孟春甲子晴。占

明詩苑卷之十
云麻麥俱豐成坐中祭酒九十四敬酬社
公旨且清其間迭起拜更祝但願脚健雙
眸明桂林從事八十一只聞喚弟無呼兄
南村翳翳桑榆日出共持杯歸散帙但課
兒孫種黍苗何知方士餐芝朮香山居士
有遺篇九十不衰真地仙公等康健逢聖
世能無旦暮歌皇天願炊香飯秋釀酒日
奉杖履長周旋武皇遺事多訛謬欲問

輿南幸年

薛侍御出按貴州便道歸雲南省觀

繡衣持節出長安南入牂牁路萬盤重箐
濕雲常欲雨點蒼晴雪不知寒登車自掃
豺狼跡問寢應彈獬豸冠遙憶樹頭新酒
熟雲南人釀酒於樹刺桐花下正承歡

程嘉燧嘉燧字孟陽歙縣人寓居嘉定心孟陽詩亦娟秀少塵自
錢牧齋警警李何王李諸人推孟陽
為一代宗主幾與高季迪李賓之前

後相埒矣。而陽羨邵子湘有心矯枉，摘其累句云：爭倚畫燒，衝妓席獨橫。朱袖占歌筵，亦知終去。婚和嫁且戀，間來弟勸兄。近逐歌喉須闕席，開笑靨待歌船。閒假串迹圓留面，戲劇鞦韆曲印肩。年去貧來不自由，暗傷顏面向交遊。等句謂其穢褻俚俗，幾於身無完膚矣。子錄其氣清格整，去風雅未遠者四章見孟陽，自有真詩，勿因牧齋之過許而毛舉其疵以掩之也。

值唐叔達同錢將軍北上言別

方舟然燭夜相過，道上匆匆奈別何。我已

三年懷錦里，君偏五月渡黃河。南遊誰共烟花早，北上兼聞金鼓多。此別各懷無限意，莫將春淚點江波。

送李中翰還朝

漢家宮闕枕燕關，使者乘槎八月還。吳地潦平猶似海，廣陵濤壯正如山。同舟夜醉神仙侶，染翰春隨供奉班。聞道滄溟今未息，幾回溝壑動愁顏。

閨門訪舊作

張望吳閨百里餘。故園兄弟日應疎。多年
華鬢絲相似。三月春愁水不如。歌扇舊分
桃葉渡。釣船還傍藕花居。揚眉才子何由
見。一訊橋邊女校書。

登樓

小小聽歌怕唱愁。一聲楚尾與吳頭。如今
身在傷心地。但見春光莫上樓。

楊

漣

漣字文。齋應山人。萬歷丁未進士。熹宗朝官至副都御史。

劾魏閹二十四大罪。被逮死。鎮撫司獄。贈太子少保。左都御史。謚忠烈。

題柏子園青雲閣

官閣凌空汶水深。金飈初動客登臨。浮雲
易改三山色。落葉先驚萬里心。江上美人
遺雜佩。城南少婦拭清砧。繁臺兔苑今天
黍。日暮憑欄思不禁。

王象春

象春字季木。濟南新城人。萬曆庚戌進士官至吏部郎中。

書項王廟壁

三章既沛秦川雨。人關又縱阿房炬。漢王
真龍項王虎。玉玦三提王不語。鼎上杯羹
棄翁姥。項王真龍漢王鼠。垓下美人泣楚
歌。定陶美人泣楚舞。真龍亦鼠虎亦鼠。

可憐謝
臯羽篇

賀萬祚萬祚字孝延嘉興人萬曆庚戌進士官至江西右布政使

周侍御行部

蘭臺使者舊知名。攬轡從容江海情。抗疏
共看任伯雨。行軍還擬趙營平。五花驄馬
巡周道。三輔黃圖歷漢京。不獨艱危憂水
旱。前籌更欲請長纓。

高道素道素字玄期嘉興人萬曆己未進士官工部郎中以督造

桂府殿
傾論死

秋日寄沈無回

涼風起庭際。簾幙迴秋陰。一葉空階落。孤

燈獨坐深。芙蓉思遠道。蟋蟀動愁吟。誰念閒居客。能傷遲暮心。

陳鳴鶴鳴鶴字汝翔閩人諸生

伍相祠

黃池宴罷羽書催。骨葬鴟夷楨可材。西子已辭吳苑去。東門忍見越兵來。春風故國蘼蕪長。落日荒祠杜宇哀。千載忠魂何處問。滿城兒女羨潮回。

周末年永年字安期吳江縣學生

弔淮陰侯

一市人皆笑。三軍衆盡驚。始知真國士。元不論群情。楚漢關輕重。英雄出戰爭。何能避殖醢。垂釣足平生。

王人鑑人鑑字德操吳縣人

冬夜閒居

忽忽寒光早。閒居水上林。病疎當世事。貧

負故人恩。黃葉深樵徑。荒煙淡草門。憑誰
論出處。短褐信乾坤。

吳稼登

稼登字翁晉。孝豐人。以例除南光祿典簿。

金陵酒肆贈茅平仲

暮年看爾壯心孤。落落酣歌擊唾壺。但數
一錢憐花女。幾誇千騎笑羅敷。梨花雨濕
紅襟燕。楊柳春藏白項烏。欲向盧家借雙
槳。莫愁不是舊時湖。

宋登春

登春字應元。新河人。

秋日野望

聽鳥中林性。看雲故國心。地卑湘漢闊。天
遠洞庭深。老馬空知道。羸猿豈擇林。十年
書劍客。寂寞到如今。

孫友篋

友篋字伯諧。歙縣人。

過古墓

野水空山拜墓堂。松風溫翠灑衣裳。行人

欲問前朝事。翁仲無言對夕陽。

俞安期 安期字羨
長吳江人

憶家

故國千山外。經秋遠別離。浮生能幾日。為
客此多時。哀眼高堂淚。寒砧少婦悲。天涯
念游子。風雨共淒其。

望海

紛紛靈異變昏朝。陰火隨波遠自飄。龍藏

區。經連水。麻屋樓開市。借雲霄。星臨東極
無分野。山入南荒有沃焦。日日潮來長應
候。似應西谷百川朝。

登祝融峰

中天積氣入清涼。雲霧翻看地混茫。雨挾
蒼龍奔下嶺。星懸朱鳥定南方。何年石匱
藏金簡。自古山祇禮赤璋。壇上長流青玉
乳。神池高捧帝臺漿。

何白 白字无咎永嘉人

淮上歸興

淮河秋風動地來。月明如水雁聲哀。南經
伍員吹篳篥。北眺曹公較弩臺。歸路漸香
菰米飯。佳期已負菊花杯。愁聞烽火連東
北。極目浮雲黯未開。

鄭琰 琰字翰卿閩縣人。翰卿工七言律。如霜色欲將關塞折。

河聲如帶戍樓奔。磧上陰雲連塞黑。關中落日帶沙黃。劍戟已滿兵

後火調護猶泣戰時。蒼皆抗慨有燕趙聲。

哭李丈將軍

十萬旌旗染血丹。招魂夜夜哭桑乾。殘兵
來拾中郎印。野鳥飛登大將壇。金獸鎖門
嚴鼓角。石麟窺塚萎衣冠。至今俺答騎胡
馬。猶是將軍舊戰鞍。

盛鳴世 鳴世字太古鳳陽人國子監生

題岳陽酒家壁

巴陵壓酒洞庭春。楚女當壚勸客頻。莫上高樓望湖水。煙波二月已愁人。

沈太木字子喬嘉興縣學生

夜起

暑夜不成寐。起步中庭中。殘月忽墜水。明河猶在空。籬根滴清露。樹杪生微風。坐愛新涼好。先秋氣候蟲。殘月忽墜水二語吳夜起雞聲茅店月二

語是曉行各人神妙

王屋屋字嘉善人

子夜歌

千金買良玉。百金求良工。為儂作雙環。相連無始終。

妾身妾自惜。君心君自知。莫將後日情。不如初見時。

吳夢陽夢陽字允兆歸安人

送胡孟弢邑博之沅江

攜手情無極。茫茫此別何。一官猶俎豆。滿地已干戈。畏路身難定。騷人怨自多。可堪寥落思。木葉洞庭波。

范 洵 字東生 烏程人

琴川夜泊懷孫齊之

野宿次。見鷺青青。荻筍齊。潮痕隨月落。山勢壓城低。殘夢風前拆。歸心曙後難。還知高隱處。只隔水東西。

春日訊吳允兆

遠樹微波黯不分。闔閭城畔寄孤雲。春來儘有還鄉夢。除却青山便是君。

吳 兆 兆字非熊 休寧人

同書學佳過宿碧峰寺愚公房

入寺昏烟歛。雙橋竹間通。僧歸殘磬裏。客夢亂山中。燈暗窻沾雨。枝喧鳥墜風。他鄉寥落夜。語笑喜能同。

戊子春宿寒山空谷菴中始知客夢亂山

中句
之妙

徐

勳 勳字興公
開縣人

送俞本之遊楚

寒臯木落水連天。雲際孤城望漢川。
隔岸數聲湘女瑟。中流千里鄂君船。
鷓鴣夜叫黃陵月。猿狖秋啼赤壁煙。
挾得離騷經一卷。行吟長對楚江邊。

送康元龍之靈武

賀蘭山下戰塵收。君去征途正值秋。
落日故關秦上郡。斷煙殘壘漢靈州。
胡兒射獵經河北。壯士吹笳怨隴頭。
城窟莫教頻飲馬。水聲嗚咽動鄉愁。

黃河官路黑山程。羌笛橫吹漢月明。
漠北烽煙三里霧。隴西鼙鼓十年兵。
燕鴻度塞寒無影。胡馬行沙暗有聲。
後夜思君勞遠夢。朔風吹過白登城。

文震孟

震孟字文起長洲人天啓壬戌賜進士第一授翰林修撰

忤逆閣鐫級歸崇禎初復原官歷仕至禮部侍郎即東閣大學士卒謚文肅

擬古遠行

江之陽兮有嶼江之陰兮有渚朝而風兮夕而雨望夫君兮渺何許春波兮悠悠日暮兮夸猶擊青桂兮為棧塞木蘭兮為舟况兮思兮凝睇乘清風兮遠遊遠遊兮上下載行兮載舍遵中流兮待君將寄心於

遠者

徐石麟

石麟字寶摩嘉興人天啓壬戌進士除工部主事崇禎初起補南禮部歷吏部尚書

乙酉城陷自經可經堂

望匡廬

突兀此何去匡君廬亘天黛浮五老壁青入九江船憲遠林中寺康王谷口泉苜生今已老誰與買山錢

倪元璐

元璐字玉汝上虞人天啓壬戌進士改庶吉士官至禮部

尚書翰林學士京師陷會
編初謚文正定謚文貞

皇極門頒曆作

鳳闕開彤旭。猊爐散紫煙。六階齊度緯。七
政轉璣璿。甲曆龍躔改。寅賓象魏懸。明時
功在革。資始義承乾。黑帝威初試。青皇位
早傳。周官新月令。甘氏舊星篇。人繼羲和
後。書成賞英前。庚先三日戒。貞下一元旋。
圖錄符垂赤。干支德應玄。與王惟有歲。和

史又編年。賜出黃星曜。披看綠字鮮。因知
天曆數。如日起虞淵。

蔣燦 燦字翰中。崇禎戊辰會魁。官至天津兵備。

題杜少陵像

誰。貌。杜。陵。老。憂。懷。筆。底。傳。凋。殘。悲。瘦。馬。煉。
慨。拜。啼。鵲。作。客。依。江。閣。浮。家。寄。楚。船。高。才。
同。漢。落。千。古。有。青。蓮。

大雅長往矣。遺容後代看。萬間思唐廈。一

諫。吳。微。官。抗。志。隆。中。對。饑。驅。蜀。道。難。蕭。騷。
兩。嶽。白。鷹。為。憶。長。安。

徐

洪 洪字九一長洲人崇禎戊辰進士官至少詹事家居殉節死

三月十九日

珍饌。精。鏐。賜。講。筵。每。逢。令。節。主。恩。偏。十。章。
書。木。陳。金。鑑。九。逝。魂。猶。戀。細。旃。社。稷。風。雲。
誰。奏。曲。園。林。霜。露。已。經。年。龍。髯。回。睇。橋。山。
遠。玉。匣。珠。襦。不。忍。傳。

萬壽祺 壽祺字年少徐州人崇禎庚午舉人

入浦官

泗。亭。春。盡。樹。婆。娑。漢。帝。宸。遊。不。再。過。魂。魄。
有。時。還。至。沛。樓。臺。落。日。半。臨。河。風。吹。大。澤。
龍。蛇。近。天。入。乎。沙。雁。鷺。多。我。亦。遠。隨。黃。綺。
去。東。山。重。唱。采。芝。歌。

贈胡彥遠

河。渚。經。營。把。釣。綸。乾。坤。草。莽。一。閑。身。南。陽。

明詩別裁集卷十

三

高卧真名士。東漢餘生舊。黨人十載荏。荏衡
同入夢。三冬冰雪獨傷神。荷鋤歸去田廬
閑。莫向人間學問津。

馬世奇

世奇字君常無錫人崇禎辛未進士改庶吉士官至翰林院侍講京師陷自溢初謚文忠定謚文肅

贈曹元宰守漳州

靈槎秋泛海天涼。五夜心懸燕寢香。總為
至尊憂社稷。漢臣何必薄淮陽。溫柔

楊廷

廷麟字伯祥清江人崇禎辛未進士官終編修死節 漳州

別葉侍御

渾水橋邊寺北田。行勝東去雨連縣。桑村
古渡沙移路。茅屋人家鳥就煙。江左衣冠
悲楚澤。淮西烽火接秦川。更聞群盜郊原
遍。欲下滬陽萬里船。茅屋向身盡荒涼不減

張

溥字天如太倉州人崇禎辛未進士改庶吉士

字孟門行

雙絲繫玉環宛轉生光澤。本以結同心。何
 知反棄擲。君家美酒琥珀光。紅顏少年空
 滿堂。酒酣意氣不可當。君家玉堂盛孟門。
 孟門深谷無朝昏。中有美人嘯且歌。仁義
 結。客客自多相與醉。君金。巨羅黃雀銜環報。
 舊主畏君彈射遠。飛去夜深孤棲城北樹。
 夜深孤棲餘情不盡。思愛之心故慙如是。

姜 塚 塚字如農萊陽人崇禎辛未進士官禮科給事中言事

成宣城

赴成宣州衛

垂死承恩譴。天威咫尺間。荷戈荒徼去。收
 骨瘴江還。夜職猶思補。龍首竟絕攀。橋陵
 千滴淚。獨在敬亭山。淚痕血染垂胸臆。荒徼瘴江未合宣州。

顧咸正 咸正字端木崑山人崇禎癸酉舉人除廷安推官殉節死

登華山

倚杖高臺。嶽里秋山川。元氣共泥滓。金神

法象三千界。玉女明妝十二樓。井鉞參旗
皆北拱。濁河清渭自東流。愁看殺氣關中
滿。獨立南峰最上頭。

陳宗之

宗之字王立長州人崇禎癸酉舉人

漢道

漢道昔云季。四海涕羣雄。賢士失網維。奔
竄投西東。管寧棲遼海。田疇隱無終。鄭玄
與王粲。各自獲助從。如何盛明世。相顧流

淖中。兩雪積荒塗。渚田路不通。寧無北門
歎。要自秉固窮。燕耕寡樂郊。仕宦乏奇功。
乾坤雖浩廣。何地置吾躬。愴惻衡門下。憂
來溯悲風。

謝

遊

遊字彙先宜與人崇禎癸酉舉人

巴女詞

巴川積水極岷峨。巴女明妝豔綺羅。為語
秋江風浪急。斷腸休唱木蘭歌。

吳本泰 不泰字美子仁和人崇禎甲辰進士官南京禮部郎中

帝京篇 崇禎元年作

夢想黃京臺來歌白石祭明明聖人出旭
日天方旦廣殿飭梓材神霄聳輪奐微垣
妖彗消芝蓋卿雲縵三吳罷機杼九廟秉
珪瓊下國頌時雍至尊理宵旰宵旰懷殷
憂籌邊寢地玩軍需飛檄催水衡仰屋歎
大奸已距脫羣疑未冰泮漸瀉雖可儀蓋

羊不聞讚名盛寔則哀事倍功乃半因之
勅幾康匪伊游泮渙君既勤晝接臣當思
日贊朝中去朋黨政府參謀斷網必挈其
綱繩必理其亂求治毋太速防微勿滋蔓
所期日月光幽遐理必習 忠陵初政定有
乃在奄人而臣工泄泄朋黨連綿此
後日事也詩中思慮豫防具有灼見
萬泰 泰字履安鄞縣人
崇禎丙辰舉人

留別董西來

客塗相見即相親。總是淒涼夢裏人。且喜何即能似舅。不妨綺季未稱臣。睢陽城上三生淚。無定河邊後死身。惆悵天涯分手處。秋高一雁落江津。

閻爾梅

爾梅字用。縣江南。沛縣人。崇禎丙子舉人。詩有奇氣。每近粗豪。茲擇其尤雅者。

重過兗州

亭長臺西舊酒徒。疎狂名姓滿江湖。每從

世外尋高蹈。不識人間有畏途。季札重來周樂故。奚斯一去魯宮蕪。高樓極目誰同醉。正。月。愁。聽。有。蟬。姑。

劉永錫

永錫字欽爾。魏縣人。崇禎丙子舉人。官長州儒學教諭。革命後隱於陽城湖之濱。窮餓死。

行路難

雲漫漫兮白日寒。天荆地棘行路難。四字抵過千萬言

陳子龍

子龍字人中更字卧子青浦人崇禎丁丑進士官兵科給事中殉節死

詩教之良至於鍾譚劍極將復之候也黃門力闢榛蕪上追先哲厥功甚偉而責備無已者謂仍不離七子面自將蚬塘齊鳴不必有銘詔之響耶

曜靈

曜靈天子遇旱而憂省獄減刑雨以

時降詩人美之也

曜靈維陽杲杲麗天爰自東作火見於昏

天之薦瘥蘊隆如焚皇曰子冀方邦畿助

安廢我來牟兆民孔艱旱之始盛維塵

冥冥旱既太甚百卉具零豈降自天胡德

非馨曾是有象黍曾是有讒慝曾是有詭

隨曾是有指克章二爰命宗伯大雩孔明爰

命徹侯于郊于宗以爾幣玉及爾斯牲方

社既周山川用享叶振古率育胡溝于不

寧三巍巍薊邱維君宅之翼翼皇心維天

月詩川

繹之禮莫不展。來饗來格。膳宰既徹。鑄鼓
 既釋。凡百君子。助爾無斁。四皇曰。司寇維
 刑。世重世輕。朕聖姦究。或愆于平。悍陽驕
 驕。憂我黎氓。乃清岸獄。乃釋累囚。肆赦時
 夏。或歌且謳。倬彼燕山。出雲油油。終朝彌
 野。既舒既柔。既霑既優。田峻語語。樂哉士
 女。以育我稷。忝皇王布惠。天錫純嘏。

仲夏直左掖門送夏彝仲南歸

金塘迴素波。中有雙鴛鴦。托身在清禁。和
 鳴君子旁。顧此同林鳥。孤翼忽南翔。生平
 志。抗懷何事獨難忘。本為四海人。豈得常
 相將。丈夫重知己。萬里同一鄉。龜勉效貞
 亮。德輝在巖廊。莫憂青蠅多。和璧貴善藏。
 執手不能語。悵矣結中腸。

雜詩

山椒微風發。薄暮遲佳人。頽陽淡林表。素

月生河津佇立懷往路時宴多苦辛君家
青雲樓瑤華艷富春皐蘭亦有芳欲寄良
無因歡愛豈足重要使思詣申浮雲誠易
阻白璧終見珍

至道無相非末流乖心跡高懷苟不亮執
誼日以積賢隨貴同用愚與幾交反騰名
自有階投讒豈無隙營營棘上蠅可以攜
金石履純思寡尤超方鮮奇策毀譽苟未

忘顧影慙跼蹐

墓門有惡木鴟鴞巢其巔同茲雨露潤不
與百卉妍性質固自殊大造安能遷我行
適見之中心懷憂捐利斧難在手斬伐無
此權去去保芳潔願言藝蘅荃手無斧柯
奈龜山何

平陵東

炎精中燼妖慧紅平陵松柏生秋風四十
萬人頌符命巨君却在層城宮東部太守

建旗鼓排山動地連闔輔五威國將紛東
馳太誥金騰亦何補污宮薦棘雖無成天
下始知稍漢兵不逢時會豈失策猶與宛
洛開先聲斗柄橫斜漸臺感白水真人坐
黃屋逢萌束帛卓茂封義公碧血無人哭
男兒何必上雲臺千古徒悲兩黃鵠義公
兵更难於勝廣之開漢祖而光武之封
不及何也不以成敗論人其有卓識

小車行

小車斑斑黃塵晚夫為推婦為挽出門何
所之青青者榆瘵吾飢願得樂土共哺糜
風吹黃蒿望見牆宇中有主人當劍汝叩
門無人室無金躑躅空巷淚如雨寫流人
鄭監門亦不能繪

寄獻石齋先生

烈風蕭條吹百羽朱鳳歲稔適南土羅爵
如雲不見天秦人高歌楚人舞出門不向

妻子辭八尺銀鑿五色組虎鬚較尉紅錦
 裘峨舸大舩下江州蛟龍鬻鬻音疑黃沙臥
 日月冥冥青楓秋赭衣墨憤安魚服予亦
 相逢淮水曲京華時事不足論慘淡相看
 日彌促鎌刃誰留門外蘭苞厨肯恕山中
 鹿可憐舉世學浮沉燭龍迴照杳難尋蒼
 芒不解時人意愛護還憑明主心我有短
 札置懷袖安能一矢干黃金平生風義兼

師友陳蔡相從但鼓琴此石齋被迷黃門過之淮南而作

閭闔門開翡翠城鳳凰十二相和鳴碧血
 一灑玉階裂驚雷急電何時平門生往往
 自引匿故吏不復相通名賈彪奔走何側
 足曹鸞上書翻極楛鈎黨幾入甘陵部相
 將同入黃門獄緋衣獄吏行生風黃封小
 匣挑當中更番榜掠不知數但稱汝罪如
 山崇小臣萬死不足惜聖德如天輝典冊

明詩別裁集卷十 三

帶血晨興寫孝經。裏瘡夜卧編周易。爰書
一旦下高天。薄譴由來湘水邊。萬里聞聲
頌明聖。漢廷有待賈生還。此述不齋自詔
獄得成。西陽而
作帶血晨興寫孝經
二語自是當時實事

交河

烏帝征馬動曙色。散滹沱海氣通三島。天
風靜九河。沙平邊草斷。日澹塞雲多。百里
無煙火。空林枉自過。

盧居

行。逐。山。河。改。歸。來。松。菊。荒。尚。餘。三。畝。宅。無
復。萬。家。旁。祈。死。煩。宗。祝。偷。生。愧。國。殤。但。依
親。隴。在。含。笑。此。高。岡。

襄陽

江漢西。陸重。荆襄南。紀雄諸侯。悲峴首。蒼
舊失。隆中。燧色通秦塞。妖星下楚宮。不知
大隄女。何處舞春風。

雜感

大河南北望。万里入春愁。車馬空官渡。風煙滿豫州。黃巾連戶著。白骨少人收。自古中原地。應煩聖主憂。

兵戈傳劍外。消息每差池。已失夔門險。誰言蜀棧危。雪山寒鼓角。玉壘暗旌旗。天子

頻西顧。元臣竄總師。此揚州。自總師時也。夔門失而蜀不可守矣。喪師辱國。伊誰之咎哉。

送張王翁中丞提河道少司空陸

召陛見

舊聞開府靜。牙璋詔領河。隄人未與周。室保釐分。邠鄔漢家底。績念宣房九天星。宿開秦塞萬里棧。航走冀方為語。至尊南顧日。不堪重問海陵君。其切

酬李司馬萍槎先生

夕瞻樞府重明光。投我連城雲錦章。場亂

已聞劉太尉賞音深愧蔡中郎九龍移帳
春無草萬馬窺邊夜有霜早晚滄江驚驛
使詔書先問右賢王

錢塘東望有感

清溪東望大江迴立馬層崖極望哀曉日
四明霞氣重春潮三折浪雲開禹陵風雨
思王會越國山川出霸才依舊謝公攜履
處紅泉碧樹待人來

送吳繼輝司李桂林

翡翠巖邊匹馬過千盤桂嶺鬱嵯峨南溟
灑水啼猿滿北望君山落雁多蠻府官閒
能作賦漢廷恩近憶鳴珂愁心獨繫張平
子欲寄瑯玕奈遠何

重遊弇園

放艇春寒島嶼深弇山花木正蕭森左徒
舊宅猶蘭圃中散荒園尚竹林十二敦槃

誰狎主三千賓客半知音風流搖落無人
繼獨立蒼茫異代心

今身園一帶廢為民居矣讀此不勝時代

感之

重訂明詩別裁集卷十終

